


HOËRSKOOL MONTANA



**INLIGTINGSTUK VIR
NUWE LEERDERS**

INLIGTINGSTUK

- a. Rol van ouers
- b. Rol van leerders

1. VOORKOMSREËLS	4
1.1. Skooldrag vir seuns	
1.2. Skooldrag vir dogters	
1.3. Skooltasse	
1.4. Drag vir LO	
1.5. Sportdrag	
2. ALGEMENE VOORKOMSREËLS	
2.1. Seuns	7
2.2. Dogters	9
3. VERPLIGTINGE EN ORDEREËLINGS TEN OPSIGTE VAN BUITEMUURSE AKTIWITEITE	11
4. GRADERING VAN OORTREDINGS	11
5. DEURSOEKING, BESLAGLEGGING EN TOETSING	12
6. KARAKTERVORMING	13
7. BOODSKAPPE BY DIE SEKRETARESSES	13
8. AFWESIGHEID EN LAATKOM	13
9. EKSTRA KLASSE	14
10. HANDBOEKE EN SKRYFBOEKE	14
11. SKOOLURE	14
12. NASKOOLSENTRUM	14
13. ONDERRIGGELDE VIR 2017	14
14. SKOOLVISIE	

INLIGTINGSTUK VIR NUWE LEERders BY HOËRSKOOl MONTANA

Reeds vanaf sy eerste bestaansjaar lewer die *Hoërskool Montana* jaarliks jong volwassenes wat hul plek in die samelewing volstaan. Nie net is hierdie jongmense akademies toegerus nie, maar ook emosioneel en sosiaal aangepas om die uitdagings van die buitewêreld met durf en waagmoed aan te pak.

Die gemeenskap en onderwyspersoneel verwag dat 'n leerder van *Hoërskool Montana* netjies, goed gemanierd, beleefd, stiptelik, getrou en eerlik sal wees. *Hoërskool Montana* sal dus sy visie van “Die skool waar elke kind belangrik is” nakom en steeds met trots leerders oplei om hul roeping te vervul met die wete “Ons strewende na uitnemendheid”.

Die leerders en hul ouers asook opvoeders van *Hoërskool Montana*, verbind hul tot die volgende waardes en beginsels:

- Integriteit
- Selfdisipline
- Eerlikheid
- Respek
- Lojaliteit
- Omgee
- Trots

Die leerders en hul ouers asook opvoeders van *Hoërskool Montana*, verbind hul tot die volgende oogmerke:

- Effektiewe onderrig, deur die skep van 'n positiewe leerkultuur.
- Om wedersydse respek en verdraagsaamheid te ontwikkel en te bevorder – binne die skool, tussen personeel en die ouergemeenskap.
- Die vestiging van 'n veilige leeromgewing wat die nodige sekuriteit teen enige vorm van ontwrigting bied.
- Om dissipline en orde binne die skool te bevorder en sodoende effektiewe onderrig te laat plaasvind.
- Dissiplinêre optrede sal deurgaans billik en konsekwent toegepas word. Dit sal primêr op remediêrende en korrektiewe optrede, eerder as straf, gerig wees.
- Om die leerder in geheel te ontwikkel en tot volwassenheid te begelei.

VERANTWOORDELIKHEDE VAN OUERS EN LEERders

Ouers van leerders en opvoeders van die skool moet leerders deurgaans ondersteun om binne die gees en oogmerke van die gedragskode van die skool op te tree.

1. Rol van ouers

Ouers is primêr verantwoordelik vir kinders (leerders) se dissipline en gedrag.

Daar word van ouers verwag om:

- die skool te ondersteun, van hul kinders te vereis om alle skoolreëls te eerbiedig en te gehoorsaam en om verantwoordelikheid vir hul kinders se wangedrag te aanvaar;
- In die geval van wangedrag, die betrokke leerder aan te moedig tot 'n aanvaarbare en positiewe standaard van gedrag en om enige program van leiding of berading wat die skool in die verband organiseer en/of inisieer, te ondersteun;
- Die graadhoofde met vrymoedigheid te nader in gevalle waar 'n kind tekens van afwykende gedrag by die huis toon, sodat 'n program van voorkomende en korrektiewe optrede geloods kan word;
- Aktief belangstelling in hul kinders se skoolwerk en ander skoolverwante aktiwiteite te toon en om dit vir die leerders moontlik te maak om hul verpligtinge in dié verband na te kom;
- Vergaderings van die Beheerliggaam en ander vergaderings, wat vir ouers belê word by te woon;

- Die departement alleenlik oor enige grief of klagte wat met die skool verband hou te nader, indien die grief of klagte nie bevredigend deur die skool, te wete 'n opvoeder, die hoof of die Beheerliggaam, opgelos kan word nie. Ouers het die reg om hul, onder andere, tot die Beheerliggaam te wend, indien daar onregmatig op leerders se regte (byvoorbeeld toediening van lyfstraf) inbreuk gemaak word;
- Afsprake met personeel deur die hoof te maak. Ouers mag onder geen omstandighede personeel direk by hul klaskamers besoek nie;
- Aandag te gee aan kennisgewings en nuusbriewe wat uitgestuur word;
- Kennis te neem dat fondse wat deur fondsinsamelingsprojekte geïnisieer is, tot al die kinders se voordeel aangewend sal word; en
- te verseker dat hul kinders in besit van 'n geldige lisensie vir 'n motorfiets of motor is voordat die leerders met dié voertuie op die skoolterrein parkeer of dit bestuur. Beperkte parkering is vir leerders, met motors, tydens skoolure agter die kultuursentrum beskikbaar. 'n Afgebakende area is vir die motorfiets beskikbaar.

2. Die rol van die leerders

Die leerders van die skool verbind hulle daartoe om alle skoolreëls te gehoorsaam en begryp dat:

- skoolreëls, ook veral dié van toepassing op skoolbywoning en afwesighede, daargestel word om ook die algemene organisasie van die skool en verhoudinge tussen die leerders onderling en tussen die opvoeders asook die hoof, te reguleer en om die opvoedingsproses in stand te hou en te handhaaf;
- Alle redelike opdragte van opvoeders, ook ten opsigte van studie en tuiswerk, nagekom moet word;
- Enige optrede van leerders wat tot die ontwrigting van die opvoedingsproses, ook binne klasverband, aanleiding kan gee, onaanvaarbaar is;
- Opvoeders deur leerders met die nodige respek en waardigheid aangespreek en behandel moet word en dat wedersydse en onderlinge vertrouwe, in belang van gehalte-onderrig, nodig is;
- Skooleiendom en fasiliteite met die nodige sorg gebruik moet word;
- 'n Hoë standaard van professionele en etiese gedrag van opvoeders, rakende gehalte-onderrig, verwag kan word;
- Enige optrede wat die beeld van die skool skaad, onaanvaarbaar is;
- Die Verteenwoordigende Raad van Leerders nie die bevoegdheid of reg het om ander leerders te straf nie, maar dat hulle die belange van medeleerders in skoolverband moet bevorder en beskerm. Hulle moet ook medeleerders aanmoedig om deurgaans welvoeglik op te tree;
- Sigarette, alkoholiese drank, dwelmmiddels en pornografiese materiaal is verbode vir leerders.
- Immorele gedrag of godslastering is onaanvaarbaar;
- Die valse identifisering van sigself en die bewustelike en opsetlike verskaffing van valse inligting, of die vervalsing van dokumentasie is verbode;
- Geen bakleiery, boelie of intimidering word gedurende of na skoolure, op of buite die skoolterrein toegelaat nie;
- Vryery of enige onbehoorlike fisiese kontak tussen leerders op die skoolterrein of in die openbaar, is verbode;
- Die gebruik van 'n selfoon op die skoolterrein, tydens skoolure, word nie toegelaat nie.

Dit bly die diskresie van die skoolhoof om te besluit of die ouers, na gelang van die erns van die oortreding, onmiddellik ingelig moet word.

Waar 'n leerder deur sy voortgesette teenwoordigheid by die skool, vir watter rede ookal, 'n onmiddellike gevaar en bedreiging vir enige persoon binne skoolverband skep, of binne skoolverband die leerproses deur sy of haar optrede op 'n wyse ontwrig wat voortsetting van die leerproses onhoudbaar maak en

volgens die oordeel van die hoof tydelike skorsing regverdig, kan die leerder sonder versuim deur die Hoof, soos voorgeskryf, tydelik geskors word.

VOORKOMSREËLS

Trots en selfrespek word onder andere deur 'n mens se voorkoms bepaal en om hierdie rede word gepoog om deur eenvormigheid daartoe by te dra. Slegs die voorgeskrewe skooldrag is toelaatbaar. Sportbaadjies, privaat-serpe, -musse/-pette en -skoene vorm nie deel van die skooldrag nie en mag daarom nie met skoolklere gemeng word nie.

Verskaffer van skool- en sportdrag: De Jagers – 023 342 1177

1.1. SKOOLDRAG VIR SEUNS (By De Jagers beskikbaar)

SOMER (Eerste, tweede en vierde kwartaal)

- Wit kortmou oopslaankraag-hemp
- Wanneer 'n langmou-dashemp gedra word, moet 'n das saam gedra word.
- Kakie skoollang- of kortbroek
- Kakie skoolkouse.
- Swart, gladde leer toerygskoene – nie stewels of skoene met gespes en gekleurde stiksels nie.
- Montana-oortrektrui (“pull over”)
- Die skoolbaadjie word Maandae met saalopening gedra of op koeler dae

WINTER (Einde van tweede kwartaal en derde kwartaal)

- Wit langmou-dashemp.
- Skooldas.
- Kakie langbroek.
- Kakie skoolkouse.
- Swart, gladde leer toerygskoene - nie stewels of skoene met gespes en gekleurde stiksels nie.
- Skoolbaadjie (*blazer*) – elke dag.
- Montana-oortrektrui word onder die skoolbaadjie in die winter toegelaat.
- Montana-langmoutrui is opsioneel onder die skoolbaadjie en mag nie alleen gedra word nie.

1.2. SKOOLDRAG VIR DOGTERS (By De Jagers beskikbaar)

SOMER (Eerste, tweede en vierde kwartaal)

- Kakie-skoolromp OF Kakie langbroek.
- Wit kortmou oopslaankraag-hemp.
- Wanneer 'n langmou-dashemp gedra word, moet 'n das saam gedra word.
- Wit enkelsokkies indien die skoolromp gedra word.
- Kakie sokkies indien die langbroek gedra word.
- Swart gladde leer toerygskoene of skoolskoene met bandjie.
- Linte: Navy en Haarknippies: dieselfde kleur as haarkleur.
- Kopbande: Navy en plein sonder patroontjies en kant – nie wyer as 3 cm nie.
- Montana-oortrektrui (“pull over”).
- Die skoolbaadjie word Maandae met saalopening gedra of op koeler dae.

WINTER (Einde van tweede kwartaal en derde kwartaal)

- Kakie-skoolromp OF Kakie langbroek.
- Wit langmou-dashemp.
- Skooldas.
- Lang swart kouse indien die skoolromp gedra word.

- Kakie sokkies indien die langbroek gedra word.
- Swart gladde leer toerygskoene of skoolskoene met bandjie.
- Linte: Navy en Haarknippies: dieselfde kleur as haarkleur.
- Kopbande: Navy en plein sonder patroontjies en kant – nie wyer as 3 cm nie.
- Skoolbaadjie (*blazer*) – elke dag.
- Montana-oortrektrui word onder die skoolbaadjie in die winter toegelaat.
- Montana-langmoutrui is opsioneel onder die skoolbaadjie en mag nie alleen gedra word nie.

1.3. SKOOLTASSE

- Die voorgeskrewe skooltas en rugsakke is by die verskaffer beskikbaar.
- Skooltas moet stewig wees om boeke te beskerm. 'n Tas moet op sy eie kan staan wanneer dit leeg is en moet verkieslik afskortings vir die boeke hê.
- Slegs die leerder se naam mag op buitekant van die tas aangebring word. (5 x 10 cm).
- Geen motiewe, graffiti en aanhangsels word toegelaat nie.

1.4. DRAG VIR LIGGAAMLIKE OPVOEDING (Praktiese komponent van Lewensoriëntering) By die skool beskikbaar.

- LO-broekie.
- Fietsry- of donkerblou ski-broeke (opsioneel) slegs onder LO-broekie.
- LO-sporthemp.
- Sportskoene en kort wit, sokkies (opsioneel)
- Skoolsweetpak (opsioneel)

1.5. DRAG VIR SPORT

ALLE SPORTSOORTE

- LO-broekie of Koningsblou kortbroek indien dit so voorgeskryf word.
- Skoolsportsak.
- Volledige skoolsweetpak vir dogtersportsoorte, tydens wegbyeenkomste.
- LO-sporthemp.
- Kort donkerblou fietsry- of ski-broeke onder rompie en kortbroek – opsioneel.
- Slegs sport-onderklere is aanvaarbaar.
- Slegs sportskoene mag saam met sportdrag gedra word – geen plakkies, pantoffels, ens. nie.
- Skooldrag en sportdrag mag nie gemeng word nie.

ATLETIEK

- LO-drag
- Atletiekfrokke vir seuns en meisies.

TENNIS

- LO-drag.
- Koningsblou rompie vir die dogters.
- Kort, wit sokkies.

KRIEKET

- LO-sporthemp vir al die spanne behalwe die eerste span.

- Wit langbroek.
- Verkieslik, oorwegend wit skoene.
- Wit kouse/sokkies.

RUGBY

- Skool-rugbytrui.
- Koningsblou rugbybroek.
- Skool-rugbykouse.
- Rugbystewels

HOKKIE (DOGTERS)

- LO-drag vir al die spanne behalwe die eerstespan.
- Skool-hokkiekouse. (koningsblou en geel strepe)
- Hokkieskoene

HOKKIE (SEUNS)

- LO-drag vir al die spanne behalwe die eerstespan.
- Skool-rugbykouse.
- Hokkieskoene

NETBAL

- LO-drag vir al die spanne behalwe die eerstespan.
- Sportskoene.
- Kort, wit sokkies.

TOUTREK

- Koningsblou rugbybroek
- Rugbytrui
- Seuns – rugbykouse
- Dogters – hokkiekouse

Geen sportbaadjies-, hemde, -tops, ensovoorts wat nie deel van die voorgeskrewe sportdrag is nie, word toegelaat nie.

2.1 ALGEMENE VOORKOMS VIR SEUNS

2.1.1 HARE

- Hare moet netjies kort geknip wees.
- Direk om die ore moet dit skoon wees – die hare mag nie aan die ore raak nie, ook nie die hare wat weggekam word nie.
- Die nek moet skoon geknip wees en die haarlyn mag nie die kraag raak in 'n normale staanhouding nie.
- Die hare langs die kant en agter mag nie regop gedra word nie. Die hare moet egalig skuins opgesny word sodat dit nie 'n rif langs die kant of agter vorm nie en langs die kante en aan die agterkant van die kop, ewe lank is. 'n "Undercut" of "English cut" word ook nie toegelaat nie.
- Die voorkop moet oop en skoon wees en die kuif mag nie die wenkbroue kan raak wanneer dit af gekam word nie, dit moet netjies en in verhouding met die ander hare wees.
- Geen onkonvensionele style soos byvoorbeeld 'n "mowhawk" of "punk" of gevlegde hare, insetsels, ensovoorts word toegelaat nie. GEEN modegiere nie.
- Die hare moet nie dik (mob) bo-op die kop gedra word nie
- Die gebruik van jel, "tease" of "wetlook" word nie toegelaat nie.
- Geen vorm van haarkleur of "high lights" word toegelaat nie – die matriekafskied ingesluit.
- By oortreding van bogenoemde reëls sal die seun huis toe gestuur en hy mag eers terugkeer skool toe indien sy voorkoms voldoen aan die skoolreëls. Die koste daaraan verbonde is vir die rekening van die leerder en/of sy ouer. Hy ontvang ook 'n geelkaart.
- Hierdie reëls geld ook vir spesiale dae wanneer leerders gewone klere mag aantrek asook vir sportgeleenthede.

2.1.2 BAARD

- Seuns wat skeer of baard het, moet elke dag skoon, glad en netjies geskeer wees.
- Wangbaarde ("side whiskers") mag nie verder as die middel van die oorgat strek nie.
- Geen stoppelbaard of snorre word toegelaat nie.
- Seuns wat nie geskeer is nie, sal versoek word om by die skool te skeer en sal dan 'n geelkaart daarvoor ontvang.

2.1.3 SKOENE

- Slegs swart, gladde leer toerygskoene word toegelaat.
- Slegs voorgeskrewe skoolkouse mag gedra word.
- Skoene moet skoongemaak en gepolitoer wees.
- Geen tipe tekkies word saam met skooldrag toegelaat nie.

2.1.4 HEMDE EN DASSE

- 'n Das moet te alle tye saam met langmouhemde gedra word. Die boonste knoop moet te alle tye vas wees en die dasknoop tot bo geskuif.
- Slegs voorgeskrewe skoordasse mag gedra word.
- Die moue van 'n langmouhemp mag nie in die somer opgerol word nie.
- By kortmouhemde wat sonder 'n das gedra word, mag geen deel van 'n onderhemp of T-hemp, uitsteek nie.
- Hemde moet te alle tye ingesteeek wees, dit mag nie omgevou word of uithang nie.

- 2.1.5 BAADJIES EN TRUIE
- Slegs die voorgeskrewe skooltrui, oortrektrui, baadjie en matriektrui mag gedra word.
 - Oortrektrui mag sonder die baadjie gedra word.
 - Langmoutrui mag nie sonder 'n baadjie gedra word nie.
 - Die moue van die langmoutrui of baadjie mag nie opgestoot word nie.
 - Graad-12 leerders mag die oortrek-matriektrui elke dag dra.
 - Leerders wat erekleure verwerf het, dra die erekleure-baadjie.
- 2.1.6 JUWELE
- Slegs polshorlosies word toegelaat, geen hangertjies, juwele of enige tipe armband, ensovoorts word toegelaat nie.
 - Geen ooringetjies, -pennetjies, vislyn (“gut”), ensovoorts word in enige plek in die oor toegelaat nie.
 - Geen neus-, tong-, wenkbrou- of ooringe, ensovoorts word toegelaat nie.
- 2.1.7 LYFGORDELS
- Lyfgordels moet te alle tye by langbroeke gedra word en moet om die “middel” van die lyf vasgemaak word.
 - Slegs bruin en swart lyfgordels, sonder handelsmerk gespes (“buckles”), word toegelaat.
- 2.1.8 MUSSE EN HOEDE
- Die dra van musse en hoede word nie toegelaat nie.
 - Slegs die voorgeskrewe pette mag tydens sportbyeenkomste gedra word.
 - Slegs navy volvinger handskoene mag saam met wintersdrag gedra word.
- 2.1.9 NAELS
- Naels moet kort en netjies versorg wees.
 - Geen naellak word toegelaat nie.
- 2.1.10 TATOEËERMERKE
- Die dra van enige vorm van tatoeëermerke is ontoelaatbaar.
 - Bestaande tatoeëermerke mag nie sigbaar wees of onder enige kledingstuk uitsteek nie.

2.2 ALGEMENE VOORKOMS VIR DOGTERS

2.2.1 HARE

- Die kuif mag nie die wenkbroue raak nie. Lang kuiwe moet netjies vasgesteek word of met 'n navy "Alice band" of kopband wat nie wyer as 3 cm is nie, in posisie gehou word.
- Style wat nie volgens die reëls hanteer kan word nie, mag nie gedra word nie. Dit sluit alle onkonvensionele style in soos hare wat aan die een kant korter is, alle modegiere, ens.
- Kort hare mag nie die onderste gedeelte van die kraag raak nie. Lang hare of hare wat aan die kraag raak, moet vasgebind wees of in 'n poniestert vasgemaak word. Gewone knippies of kammetjies wat dieselfde kleure as die hare is, mag gebruik word.
- Hare aan die kante wat oor die ore of oë hang, moet vasgesteek word. Dit geld ook vir hare aan die agterkant wat stewig vasgemaak of vasgesteek moet wees.
- Hare mag geensins in slierte of in die gesig hang nie, dit moet vasgesteek word.
- Geen vorm van haarkleur word nie toegelaat nie – die matriekafskeid ingesluit.
- "High lights" een skakering donkerder of ligter as natuurlike haarkleur, mag deur die dogters ingesit word en moet natuurlik vertoon. Dit moet in stand gehou word.
- Gekleurde hare mag nie teruggekleur word nie en moet uitgroei na die natuurlike kleur. Die dogter ontvang ook 'n geelkaart vir hierdie oortreding.
- Hare moet natuurlik vertoon en mag nie "getease", "gejel" of 'n "wet look" hê nie.
- Insetsels mag op die volgende voorwaardes gedra word:
 - Dit moet dieselfde kleur as die natuurlike kleur wees.
 - Dit moet natuurlik vertoon en nie as insetsel sigbaar wees nie.
 - Dit mag nie as "dread locks" of toutjies gedra word nie.
 - Dit mag nie in 'n onkonvensionele styl gedra word nie. Geen modegiere nie.
- By oortreding van bogenoemde reëls sal die dogters huis toe gestuur word om haar hare reg te kry en mag sy eers terugkeer skool toe indien haar voorkoms voldoen aan die skoolreëls. Die koste daaraan verbonde is vir die rekening van die leerder en/of haar ouer.
- Hierdie reëls geld ook vir sportgeleenthede.

2.2.2 VASMAAKMIDDELS

- Slegs een kleur knippie, kammetjie, lint, "Aliceband" of kopband wat nie wyer as 3 cm is nie, mag op 'n slag gebruik word. Die voorgekrewe kleure is:
 - Linte: Navy
 - Haarknippies en -rekkies: dieselfde kleur as haarkleur.
 - Kopbande: Navy en plein sonder patroontjies en kant .

2.2.3 JUWELE

- Slegs een ooring, -knoppie, ensovoorts word in die onderste gaatjie van die oorbel toegelaat.
- Slegs goue of silwer ringetjies of knoppies ("stud") word toegelaat. Die ringetjies se deursnee mag nie meer as 1 cm wees nie.
- Geen seëlringe, hangertjies of enige tipe armband, ensovoorts word toegelaat nie.
- Geen neus-, tong-, wenkbrou- of oogringe, ensovoorts word toegelaat nie.
- Geen vislyn ("gut"), ensovoorts word in enige plek in die oor toegelaat nie.
- Geen juweliersware word by sportdrag toegelaat nie.

- 2.2.4 GRIMERING
- Geen tydelike of permanente grimering word toegelaat nie. Dit moet onmiddellik verwyder word en die dogter sal 'n geelkaart ontvang.
- 2.2.5 NAELS
- Naels mag nie verby die vingerpunte steek nie.
 - Geen naellak mag saam met skool- of sportdrag gedra word nie.
 - Geen kunsnaels word toegelaat nie.
 - Lang naels moet onmiddellik geknip word en naellak moet onmiddellik verwyder word.
- 2.2.6 KLEREDRAG
- Die rompies mag nie te kort wees volgens die oordeel van die voorkomshoof nie. (Riglyn: 15 cm vanaf die grond wanneer die dogter op haar knieë sit)
 - Kakie dogterslangbroeke mag gedra word.
 - Kort sportbroekies soos deur spesifieke sportsoorte vereis, mag slegs tydens sportoefeninge en –wedstryde gedra word.
 - Fietsry- en skibroeke mag slegs met 'n kortbroek bo-oor gedra word. Fietsrybroeke mag wel tydens wedrenne gedra word.
 - Dogters moet te alle tye goeie smaak aan die dag lê en toesien dat hulle kleredrag, veral in die somer en tydens “civvie” dae, nie 'n verleentheid skep nie.
- 2.2.7 BAADJIES EN TRUIE
- Slegs die voorgeskrewe skooltrui, oortrektrui, baadjie en matriektrui mag gedra word.
 - Oortrektrui mag sonder die baadjie gedra word.
 - Langmoutruie mag nie sonder 'n baadjie gedra word nie.
 - Die moue van die langmoutrui of baadjie mag nie opgestoot word nie.
 - Graad 12-leerders mag die matriektrui elke dag dra.
 - Leerders wat erekleure verwerf het, dra die erekleure-baadjie.
- 2.2.8 HEMDE EN DASSE
- 'n Das moet te alle tye saam met langmouhemde gedra word. Die boonste knoop moet te alle tye vas wees en die dasknoop tot bo geskuif.
 - Slegs voorgeskrewe skoordasse mag gedra word.
 - Die moue van 'n langmouhemp mag nie in die somer opgerol word nie.
 - By kortmouhemde wat sonder 'n das gedra word, mag geen deel van 'n onderhemp of T-hemp, uitsteek nie.
 - Hemde moet te alle tye ingestek wees, dit mag nie omgevou word of uithang nie.
- 2.2.9 MUSSE EN HOEDE
- Die dra van musse en hoede word nie toegelaat nie.
 - Slegs die voorgeskrewe pette mag tydens sportbyeenkomste gedra word.
 - Slegs navy volvinger handskoene mag saam met wintersdrag gedra word.
- 2.2.10 SKOENE
- Slegs swart gladde leer skoolskoene met veters of 'n bandjie oor die voet, word toegelaat.
 - Slegs voorgeskrewe skoolkouse mag gedra word.
 - Gedurende wintertye of koue dae mag die dogters lang swart kouse by die rompies dra. Indien kort kousies daarmee saamgedra word, mag dit nie sigbaar wees nie.
 - Skoene moet skoongemaak en gepolitoer wees.

- Geen tipe tekkies of plakkies, ensovoorts word saam met skooldrag toegelaat nie.

2.2.11 TATOEËERMERKE

- Die dra van enige vorm van tatoeëermerke is ontoelaatbaar.
- Bestaande tatoeëermerke mag nie sigbaar wees of onder enige kledingstuk uitsteek nie.

3. VERPLIGTINGE EN ORDEREËLS TYDENS BUITEMUURSE AKTIWITEITE

DIT IS 'N VEREISTE DAT ELKE LEERDER OP EEN OF ANDER WYSE BY DIE SKOOL SE BUITEMUURSE PROGRAM BETROKKE MOET WEES.

- 3.1 Elke leerder moet aan ten minste een kultuuraktiwiteit, een somersportsoort en een wintersportsoort deelneem.
- 3.2 Wanneer 'n leerder by enige buitemuurse bedrywighede aansluit, onderwerp hy hom aan die verpligtinge en ordereëls van die bedrywigheid.
- 3.3 Vrystelling van verpligtinge kan alleenlik verkry word as betyds vooraf onderhandel word en verlot daartoe deur die betrokke afrigter verleen word.
- 3.4 Stiptelikheid by buitemuurse aktiwiteite word te alle tye van leerders verwag.
- 3.5 Leerders mag hulle nie skuldig maak aan die volgende nie: onsportiewe gedrag, ontoelaatbare spel, van die veld/baan gestuur word, 'n verleentheid vir sy/haar span/skool wees. Benewens skooldiens kan skorsing van wedstryde ook toegepas word.

4. GRADERING VAN OORTREDINGS

Gedragsoortredings:

Graad 1:

- Beweeg nie in gange tydens klaswisseling
- Fisieke kontak / onbetaamlike gedrag
- Geen brief /oproep met afwesigheid
- Graffiti op liggaam / klere / tas
- Handboeke verniel
- In kleedkamers sonder toestemming
- Kougom op skoolterrein
- Laat vir klasse / skool
- Nie opgedaag vir oefening
- Nie-nakoming van admin-take
- Oortree basiese klaskamerreëls
- Op verbode terreine / areas
- Raas met klaswisseling
- Reël oor selfoon- / oudio-visuele apparaat oortree
- Rommelstrooi
- Steurnis tydens saalbyeenkomste / afkondigings
- Voorkoms nie korrek

- Wissel oor die aantreeblad
- Enige ander soortgelyke oortreding

Graad 2:

- Arrogansie
- Baklei / gevaarlike spele
- Dreigemente
- Graffiti op skool- / ander se eiendom
- Nie opgedaag vir wedstryde
- Ongemagtigde gebruik van skool-eiendom
- Ontwrigtende gedrag
- Opstokery
- Peuter met ander se eiendom
- Rook of sigarette/tabak besit, hanteer, gebruik
- Selfaangedrewe voertuie sonder toestemming, op terrein bestuur
- Stokkiesdraai
- Vloektaal
- Weiering om opdragte uit te voer
- Enige ander soortgelyke oortreding

Graad 3:

- Aanranding
- Alkohol, onwettige dwelms, sigarette/tabak besit, hanteer, gebruik, verhandel
- Bendebedrywighede
- Blatante ondermyning / uitdaging van gesag
- Bomdreigemente
- Brandstigting
- Diefstal
- Gevaarlike voorwerpe besit, hanteer, gebruik, verhandel
- Inbraak
- Inlywing / “doop” / oriëntering
- Kriminele oortredings
- Moord
- Naamskending
- Oneerlikheid
- Pornografie
- Rassistiese taal
- Satanisme
- Seksuele teistering / wandade
- Smokkel
- Vandalisme
- Enige ander soortgelyke oortreding

5. DEURSOEKING, BESLAGLEGGING, TOETSING:

GEVAARLIKE VOORWERPE EN ONWETTIGE DWELMMIDDELS

Ter wille van leerders se veiligheid gee die wet toestemming dat bogenoemde gedoen mag word. Die skool handel streng volgens die 2007-invoeging van artikel 8A in Wet 84 van 1996 en die gestipuleerde protokol.

6. KARAKTERVORMING:

Die doel van die skool se gedragskode is om by te dra tot positiewe karaktervorming.

6.1 Onderskeid word tussen gedragsoortredings, akademiese nalatigheid en akademiese oortredings gemaak.

- Akademiese sanksies moet bydra tot bevordering van leer en onderrig.
- Sanksies teen gedragsverwante oortredings moet remediërend/korrektief van aard wees.

6.2 Ouers word deur middel van 'n sms in kennis gestel van alle akademies verwante oortredings. In alle gevalle is die leerder verplig om dieselfde dag na skool tot 14:30 bly. Geen verskoning om vrygestel te word van die verpligte intervensieklas, word aanvaar nie.

6.3 Gedragsverwante oortredings word soos volg hanteer:

- Vir **graad 1- of 2-gedragsoortredings** ontvang die leerder 'n geelkaart.
- Leerders ontvang SKOOLDIENS wanneer hy/sy:
 - DRIE geelkaarte vir **graad 1**-oortredings ontvang het of
 - EEN geelkaart vir 'n **graad 2** –oortreding ontvang het.
- Vir 'n graad 3-oortreding ontvang 'n leerder 'n rooikaart en verskyn hy/sy direk saam met sy/haar ouers voor die dissiplinêre komitee van die SBL, met die oog op ernstige intervensie soos berading/skorsing/uitsetting, ens.
- Skooldiens:
 - Leerders word besig gehou met skoonmaak-aktiwiteite (bv. banke skuur, vloere of vensters was, vee, hark, rommel optel, onkruid uittrek, ens.) Take word deur die dissiplinêre hoof bepaal.
 - Gedurende eksamentye moet leerders boeke saambring aangesien skooldiens dan die vorm van studie (2 ure vanaf direk na skool) aanneem.
 - Die graadhoof sal ouers telefonies skakel as sy/haar kind 'n **TWEDE** skooldiens ontvang.
 - Die graadhoof sal die dissiplinêre hoof inlig sodra 'n leerder 'n **DERDE** skooldiens ontvang het en
 - Die graadhoof reël dan telefonies , opgevolg met 'n standaardbrief – vir 'n dissiplinêre vergadering. Dit vind in die skoolhoof se kantoor plaas en die skoolhoof, dissiplinêre hoof en graadhoof vergader dan met die leerder en sy/haar ouers.

7. BOODSKAPPE BY DIE SEKRETARESSES

Slegs in uitsonderlike gevalle mag take/huiswerk/boeke/kos/sportklere of geld by die sekretaresses afgegee word. Die sekretaresse aanvaar geen verantwoordelikheid vir die wegraak van enige goed wat by haar gelaat word nie. Leerders word slegs met die aanvang van eerste pouse geroep om iets te kom afhaal.

Dringende boodskappe moet asb met die skoolhoof bespreek word.

8. AFWESIGHEID EN LAATKOM

Leerders wat sonder verskoning afwesig is of laatkom, ontvang 'n geelkaart.

8.1 Ouers word vriendelik versoek om die skool voor 08:00 te skakel indien 'n leerder afwesig is.

- 8.2 'n Skriftelike verskoning of doktersertifikaat moet die eerste skooldag wat die leerder weer terug is by die skool, by die graadhoof ingehandig word.
- 8.3 'n Mediese sertifikaat is 'n vereiste vir afwesigheid van enige toets of eksamen, anders gaan die leerder 0 (nul) vir die vraestel kry.
- 8.4 Indien 'n leerder 'n gedeelte van die skooldag afwesig gaan wees, moet 'n skriftelike versoek een dag vooraf by die skoolhoof ingehandig word.

9. EKSTRA KLASSE

Alle onderwysers is Maandae tot Donderdae direk na skool beskikbaar in hulle klasse vir gratis ekstra klasse tot 14:30.

10. HANDBOEKE EN SKRYFBOEKE

- 10.1 'n Lys van voorgeskrewe handboeke soos deur die kurrikulum bepaal, is by die skool beskikbaar.
- Departementele boeke word aan die begin van die jaar aan elke leerder uitgereik en dit moet aan die einde van die jaar weer ingehandig word. Verlore of beskadigde boeke moet betaal word.
 - 'n Hanteringsfooi van R300 word vir departementele boeke betaal deur alle leerders van gr. 8 tot 12, vir die gebruik van die handboeke tot aan die einde van hulle skoolloopbaan.
- 10.2 'n Lys van die skryfboeke wat vir elke graad afsonderlik benodig word, is by die skool beskikbaar. Nuwe skryfboeke moet aangekoop word indien dit vol gewerk is. Verlore, beskadigde of bekrapte boeke moet self deur die leerder vervang word.

11. SKOOLURE

Alle skoolkwartale begin op dieselfde tye.

Skool begin om 07:25

Skool sluit elke dag om 14:00, behalwe op Vrydae wanneer dit 13:45 sluit.

Die administratiewe kantoor is Maandae tot Vrydae tot 15:30 oop.

12. NASKOOLSENTRUM

- 12.1 Die naskoolsentrum en Bistro is elke middag oop tot 16:30
- 12.2 Internettoegang en rekenaars is beskikbaar vir leerders om navorsing en take na skool te doen.
- 12.3 Daar is daaglikse toesig by die naskoolsentrum
- 12.4 Koste vir die gebruik van die naskoolsentrum beloop R10 per dag per leerder en die gelde is vooruit betaalbaar.
- 12.5 Etes is vir eie koste by die Bistro beskikbaar.

13. ONDERRIGGELDE VIR 2018

- 13.1 R15 600 per jaar
- 13.2 R1 560 per maand oor 10 maande
- 13.3 R1 420 per maand oor 11 maande
- 13.4 R1 300 per maand oor 12 maande, indien van 'n debietorder gebruik gemaak word.

14. SKOOLVISIE

Hoërskool Montana streef daarna om aan al die leerders 'n gebalanseerde opvoeding van gehalte te lewer deur die visie "Waar elke kind belangrik is" altyd voor oë te hou.

DIE STERRE VAN UITNEMENDHEID



MOTIVERING VIR ALLE MENSE



OMGEE MET EMPATIE



NETHEID



TROTS OP WIE ONS IS



INSPIRASIE EN 'N VOORBEELD VIR ANDER



EERLIKHEID IN ALLES WAT ONS DOEN



SAMEHORIGHEID EN SPANWERK

